

MEMORANDUM O SARADNJI

Ovaj memorandum o saradnji (u daljem tekstu: "**MoS**") potpisan je dana 25. 8. 2025. godine između:

- (1) **EKONOMSKI FAKULTET SVEUČILIŠTA U MOSTARU** (u daljem tekstu: "EFSUM"), sa sjedištem na adresi Matice hrvatske bb, Mostar 88000, Bosna i Hercegovina kojeg zastupa dekan prof. dr. Igor Živko; i
- (2) **CENTRALNA BANKA BOSNE I HERCEGOVINE**, sa sjedištem na adresi Maršala Tita 25, Sarajevo 71000, Bosna i Hercegovina, koju zastupa guvernerka dr. Jasmina Selimović (u daljem tekstu: "CBBiH");

(EFSUM i CBBiH su u daljem tekstu zajednički označene kao "**Strane**", a svaka pojedinačno kao "**Strana**")

Uvodne napomene:

- (A) EFSUM je organizaciona jedinica u sastavu (javnog) Sveučilišta u Mostaru, koja organizuje i izvodi univerzitetske i stručne studije prvog ciklusa, univerzitetske studije drugog ciklusa i postdiplomski doktorski studij trećeg ciklusa obrazovanja, te obavlja naučnoistraživački i visokostručni rad u oblasti ekonomije.
- (B) CBBiH je vrhovna institucije monetarne vlasti u Bosni i Hercegovini (u daljem tekstu: "**BiH**") koja je prepoznala važnost unapređenja finansijske pismenosti, finansijske inkluzije i promociju odgovornog korištenja finansijskih proizvoda i usluga u BiH od najranijeg uzrasta.
- (C) Strane uviđaju značaj zajedničkog djelovanja s ciljem integrisanja finansijske edukacije u obrazovni sistem, promovišući finansijsku inkluziju i odgovorno korištenje finansijskih proizvoda, te doprinoseći razvoju inovativnih pristupa obrazovanju u skladu sa zahtjevima savremenog nastavno-obrazovnog procesa.
- (D) Na temelju zajedničkih vrijednosti i interesa u oblasti promocije znanja, jednakih mogućnosti i društveno odgovornog razvoja, Strane izražavaju saglasnost i namjeru da uspostave saradnju u okviru projekta usmjerenog na integraciju finansijske edukacije u obrazovni sistem, detaljno opisanom u nastavku.

Stoga su se Strane sporazumjele kako slijedi:

1. PROJEKAT

- 1.1 Strane su uočile nedostatak u okviru osnovnog, srednjeg i visokoškolskog obrazovanja u pogledu održive, besplatne i dostupne finansijske edukacije za sve učenike i studente u okviru nastavnih planova i programa.
- 1.2 Ovaj nedostatak dovodi do toga da se mladi suočavaju sa značajnim izazovima u upravljanju ličnim finansiranjima, razumijevanju finansijskih proizvoda i usluga, prepoznavanju finansijskih rizika i ostvarivanju vlastitih prava. Kao odgovor na ove izazove, Strane pokreću projekat integracije finansijske edukacije u obrazovni sistem, koji je usmjeren na izradu nastavnog plana i programa (uključujući edukativni materijal) za učenike i studente, kao i na pripremu, edukaciju i certifikaciju nastavnika i profesora čiji će predmeti biti obuhvaćeni kurikularnom integracijom.
- 1.3 Aktivnosti će se realizovati u saradnji sa drugim partnerskim institucijama u okviru Projekta integracije finansijske edukacije u obrazovni sistem (u daljem tekstu: "**Projekat**").
- 1.4 Planirano je da se realizacija Projekta odvija tokom školske/akademske 2025/26. i 2026/27. godine.

1.5 Strane će analizirati rezultate i preporučiti izmjene radi unapređenja programa, kao i osigurati dugoročnu integraciju finansijske edukacije u obrazovni sistem.

2. ULOGA STRANA U PROJEKTU

2.1 Strane ovim putem izražavaju spremnost da u skladu sa vlastitim kapacitetima i mogućnostima doprinesu realizaciji Projekta kroz sljedeće aktivnosti:

- a) Formiranje radne grupe za kanton/entitet
- b) Izrada zajedničkog curriculum-a i edukativnog materijala
- c) Saradnja s ministarstvima i pedagoškim zavodima
- d) Obuka nastavnika i profesora
- e) Implementacija pilot projekta u školama i na fakultetima
- f) Evaluacija i revizija programa
- g) Uvođenje programa u redovni nastavni plan.

Strane su saglasne da će razmotriti i druge oblike saradnje u skladu sa zajednički utvrđenim ciljevima i dogovorima, kao i da će komunicirati o svim relevantnim pitanjima vezano za međusobnu saradnju.

OSTALE ODREDBE


2.2 Strane su saglasne da će raditi u dobroj namjeri kako bi postigle ciljeve definirane ovim MoS-om. Ovaj MoS neće stvoriti pravnu obavezu za Strane, osim u smislu saradnje i zajedničkog rada kako je ovdje definisano.

2.3 Ovaj Memorandum stupa na snagu na datum potpisivanja i nije vremenski ograničen. Svaka Strana ima pravo jednostranog raskida MoS-a dostavljanjem pisane obavijesti drugoj Strane sa otkaznim rokom od deset dana.

2.4 Ovaj MoS je potpisan u dva primjerka od kojih svaka strana zadržava po jedan primjerak.

Potpisivanjem ovog MoS-a, Strane potvrđuju svoju saglasnost sa svim gore navedenim odredbama i uslovima.

**EKONOMSKI FAKULTET SVEUČILIŠTA U
MOSTARU**
Ime: prof. dr. Igor Živko
Funkcija: Dekan

**CENTRALNA BANKA BOSNE I
HERCEGOVINE**

Ime: dr. Jasmina Selimović
Funkcija: Guvernerka